



КЎНГИЛГА  
ТАШРИФ

2  
саҳифада  
ўқинг



ҲОКИМ –  
ХИЗРМИ?

3  
саҳифада  
ўқинг



САНЪАТИМИЗ  
ЖАДИДИНИ  
УНУТМАЙМИЗ,  
УНУТОЛМАЙМИЗ...

4  
саҳифада  
ўқинг


2023-yil  
7-sentabr  
payshanba  
№ 111  
(4863)

# Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqq boshlagan

Келгуси  
сонларда ўқинг...



Қасддан  
уюштирилаётган  
қоидабузарликлар

ёхуд йўл ҳаракати хавфсизлиги  
соҳасидаги «тадбиркор»лар фаолиятини  
ким назорат қилади?



## ТАКЛИФЛАР ҚОНУН ИЖОДКОРЛИГИДА ИНОБАТГА ОЛИНАДИ

«Ishonch»га жавоб берадилар...

«Билим қарвони» нодавлат илмий муассасаси директори, сиёсатшунос Фарҳод Толиповнинг «Экологияга янги тизимли ёндашув зарур» сарлавхали мақоласи Олий Мажлис Қонунчилик палатаси Экология ва атроф-муҳитни муҳофаза қилиш масалалари қўмитаси томонидан ўрганиб чиқилди.

Мақолада келтирилган таклифларни қўмита депутатлари қонун ижодкорлиги ҳамда назорат-таҳлил тадбирлари доғамидда инобатга олишни маълум қиламиз.

Бугунги глобал иқлим ўзгариши шароитида экологик муаммоларга бефарқ бўлмаганингиз, аҳоли ўртасида мазкур масалага дахлдорлик туйғусини шакллантиришда амалга ошираётган хайрли ишларингиз ва таклифларингиз учун газета таҳририятига ҳамда мақола муаллифига миннатдорлик билдирамиз.

Олий Мажлис Қонунчилик палатасининг  
Экология ва атроф-муҳитни муҳофаза  
қилиш масалалари қўмитаси  
раиси ўринбосари

Т.Хўжаназаров



«Ishonch» газетасининг 2023 йил 17 августдаги сонида «Экологияга янги тизимли ёндашув зарур» сарлавхали мақола эълон қилинган эди. Олий Мажлис Қонунчилик палатасининг Экология ва атроф-муҳитни муҳофаза қилиш масалалари қўмитаси ушбу мақолага қўйидагича муносабат билдирди:

Ўзбекистон касба уюшмалари Федерациясида куну тун фаолият кўрсатадиган

# 12-11

қисқа рақамли «Ишонч телефони», яъни «Call-center»га

мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



Бухоро вилояти

Касаба уюшмаси аралашгач...

Қашқадарё вилояти

## ИШ ХОДИМ ФОЙДАСИГА ҲАЛ БЎЛДИ

Фўқаролик ишлари бўйича Тошкент шаҳри Миробод туманлараро судида Зулҳумор Убайдуллаеванинг «Асакабанк» АЖга нисбатан шахсий устамаларни ундириш тўғрисидаги даъво аризаси кўриб чиқилди.

Гап шундаки, ходим «Асакабанк» АЖ Бухоро филиалида 2004 йилдан буён касса хизмат кўрсатиш бўлими кассири лавозимида ишлаб келган. Аммо унга ҳар ой тўла-ниши керак бўлган 4 миллион 550 минг 592 сўмлик шахсий устама 2021 йилдан ҳеч қандай асосиз тўхатиб қўйилган.

З.Убайдуллаеванинг бу бўйича касаба уюшмасига йўллаган мурожаати кўриб чиқилиб, банкнинг вилоят филиалидан шахсий устама тўхатишига асос бўлувчи ҳужжатни тақдим этиш сўралди. Ўз навбатида, филиал ушбу масала юзасидан банкнинг бош офис комиссиясига мурожаат қилишни билдирди.

Таассуфки, «Асакабанк»нинг бош офисидан бу бўйича ҳеч қандай жавоб бўлмади. Шундан сўнг иш судга оширилди.

Ходим судга аини вақтда устама пуллари қисман тўланганини айтиб, иш берувчидан ўзига 44 миллион 530 минг 698 сўм миқдорида қолган устамани ҳамда 10 миллион сўм маънавий зарар ундириб беришни сўради.

Суд тарафлар келтирган ваз ва иш ҳужжатлари билан батафсил танишиб, З.Убайдуллаеванинг даъво аризасини қисман қаноатлантириш тўғрисида қарор чиқарди.

«Асакабанк» АЖ энди З.Убайдуллаевага 44 миллион 530 минг 698 сўм устама пулини тўлаб бериши керак.

Дилдора ИБРОХИМОВА  
«ISHONCH»



2023 йилнинг 5 апрель санасида «Хунар-манд» уюшмаси Қашқадарё вилояти бошқармаси бошлиғининг буйруғига асосан 2013 йилдан буён «Хунар-манд» уюшмасининг Чироқчи тумани бўлими бошлиғи бўлиб ишлаётган Абдиҳақим Рўзимуродов билан тузилган меҳнат шартномаси бекор қилинади.

## ҲАТО ТУЗАТИЛДИ

Мазкур буйруқдан норози бўлган мутахассис Ўзбекистон касба уюшмалари Федерацияси Қашқадарё вилояти кенгашига ариза билан мурожаат қилади.

Мурожаат ўрганилганда, айнан АРЎ-Рўзимуродов масаласи кўрилган касаба уюшма қўмитаси йиғилиши Меҳнат кодексининг 164-моддаси ҳамда Ўзбекистон касба уюшмаси Федерацияси раисининг «Касаба уюшмаси органларида меҳнат шартномасини иш берувчининг ташаббусига кўра бекор қилиш тўғрисидаги тақдимномасини кўриб чиқиш тартиби»нинг II бўлими, 10 ва 11-бандларига зид равишда ўтказилгани маълум бўлди.

Шундан сўнг иш берувчи номига кўрсатма тақдим этилди ва Абдиҳақим Рўзимуродов ўз ишига тикланди.

Одилжон МАҲМУДОВ,  
Ўзбекистон касба уюшмалари Федерацияси  
Қашқадарё вилояти кенгаши бош мутахассиси

## ҚАРЗЛАР УНДИРИЛДИ

ИНТЕРНЕТДА ТОШКЕНТ ШАҲРИДАГИ 2-АВТОСАРОЙ ХОДИМИ НОМИДАН 8 ТА АВТОСАРОЙ ФИЛИАЛЛАРИДА МЕҲНАТ ҚИЛАЁТГАН ИШЧИЛАРГА ИККИ ОЙДИРКИ ТЎЛАНМАГАН ИШ ҲАҚИ ҲАҚИДА ХАБАР ТАРҚАЛДИ. ТЕГИШЛИ МУТАСАДДИЛАР ҲАМДА КАСАБА УЮШМАЛАРИ ТОМОНИДАН ҲОЛАТНИ ТЕЗКОРЛИК БИЛАН ЎРГАНИШ ЎЗ САМАРАСИНИ БЕРДИ.

Ўзбекистон касба уюшмалари Федерацияси ҳамда «Тошкентшаҳартрансхизмат» акциядорлик жамияти вакиллари аралашуви билан ишчи-ходимларга июнь ва июль ойлари учун тўланмаган 31 131 886 579 сўмлик қарздорлик тўлаб берилди.

Нормурод ҲАСАНОВ,  
Ўзбекистон касба уюшмалари Федерацияси  
Тошкент шаҳар кенгаши меҳнат техник инспектори

www.ishonch.uz



ishonch1991@yandex.uz



https://www.facebook.com/  
ishonch.gazetasi



https://t.me/ishonchguz







